

光緒十六年五月十三日

校對官劉啟瑞詳校 周振湘
曾慶光校


頭品頂戴 閩浙總督 臣下寶第跪
太子少保兵部尚書福建台灣巡撫一等男臣劉銘傳

奏為揀員借署台灣後山新設要缺直隸州知州恭摺仰祈
 聖鑒事竊查台灣後山新設台東直隸州知州係衝繁難調要缺
 民番錯處撫墾不易且非能耐該處煙瘴熟悉情形之員不
 克勝任先因升調之員經臣等請以候補知府吳本杰借補
 經部議駁在案經臣等復督同台灣司道遵於閩省現任候
 補直隸州及應升班內逐加遴選一時實乏堪調堪補堪升
 與該缺人地相宜之員復於各項候補同知班內揀選查有
 現署台東直隸州知州補用同知溫培華年三十八歲廣東
 嘉應州附貢生光緒五年在直隸賑捐案內報捐同知指分
 福建並捐免保舉赴部引

見領照來閩九年十一月十九日到省試用期滿甄別留閩補用
 十五年十月調台差遣委代基隆同知復調署台東直隸州
 知州於十六年三月初八日到任臣等會查得該員溫培華
 才裕年強能耐烟瘴情形並已熟悉以之借署台東直隸州
 知州人地實為相宜核與變通補署章程亦屬相符合無仰懇
 天恩俯念台灣後山新設員缺緊要准以現署斯缺之補用同知
 溫培華借署台東直隸州知州俾要缺治理得人如蒙
 俞允該員由試用同知借署直隸州知州毋庸送部引
 見惟係捐納出身人員應令試暑期滿另請實授據台灣司道會

010

009



號

光緒 年 月 日

校

詳前來 臣謹合詞具

奏伏乞

皇上聖鑒敕部核覆施行謹

奏

光緒十六年五月十三日奉

硃批吏部議奏欽此

012

011

國立故宮博物院
NATIONAL PALACE MUSEUM

